

Pawos 37

Sane kadadosang tan nyarengin parum tur sampun mapuankid ring prajuru minakadi : sakit, matepetin sakit, kaluasan, kapialang kalayuan sekar (seda), ngawentenang karya pasuka-dukan.

Pawos 38

Nyabran paruman desa utawi banjar patut madulurin antuk canang utawi cane saha raruntutanipun manut urak.

Pawos 39

Sahananing pamutus parum sane sampun kamanggehang sah patut kasungkemin antuk pikayunan gilik saguluk (musyawarah lan mufakat).

Pawos 40

Tatepasan taler kamanggehang pastika ri sasampune kacumponin antuk pamilet parum kalih pah tiga (2/3) sane ngamiletin parum.

Pawos 41

Pamiteges Paruman

1. Prajuru desa madrue kawenangan ngrincikang pidabdab usaha desa lan wenang ngamedalang tetegenan ring krama desa sadurunge kaingkupang antuk krama desa sajawaning padgatakala.
2. Ri tatkala paruman prajuru miwah krama sane ngamiletin parum patu ngangge busana adat, nyelempot saha tan kadadosang makta gagawan.
3. Genah parum patut kamargiang ring bale banjar utawi bale desa (wantilan).
4. Paruman langkung ping 3, taler nenten ngamedalang tetepasan, prajuru kadadosang numusang nunas baos ring guru wisesa
5. Tatepasan paruman maka pamiteges patut kasurat, tur kasiarang ring krama ri tatkala parum punika.
6. Ri tatkala paruman tan maren ngarcana Ida Hyang Parama Kawi maka malarapan antuk sarana Widhi widhana canang sari utawi cane.
7. Maka sarana jagi ngawitin parum, patut karkawitin antuk pangastungkara majalaran antuk nguncarang panganjali "Om Swastyastu"

8. Sasampune puput babaosane kamargiang ngwacak daging paruman raris kapuputang antuk ngastiti majalaran parama santhi "Om Santih Santih Santih Om".
9. Tan kalugra ngawetuang suara ghora utawi biuta, yan prade asapunika, jadma kadi punika patut keni pacamil manut pararem.

Caturthas Sargah
Sukerta Tata Agama

Palet 1

Dewa Yadnya

Pawos 42

Pura-pura sane kamanggehang Kahyangan Tiga minakadi:

1. Pura Desa,
2. Bale Agung,
3. Pura Puseh,
4. Pura Dalem Kahyangan
5. Pura Taman Beji.
6. Pura Melanting
7. Pura Alit
8. Pura Prajapati

Pawos 43

Parhyangan miwah wawangunan ring Kahyangan Tiga kapatutang nganutin tattwa agama Hindu tur kasanggra lan kaprabeanin lan kapiara olih krama desa adat Tingas.

Pawos 44

Sahananing Pura sane wenten ring sawawengkon Desa Adat Tingas patut kaaci antuk sang sane nyungsung.

Pawos 45

Sapasira keni kasebelan nenten kadadosang ngranjing ka pura – pura Kahyangan tiga miwah pura-pura sane tiosan ring wewidangan desa adat Tingas.

Pawos 46

Sane kaucap kasebelan manut pawos (45) minakadi:

- a. Mawarih yening sampun mayusa 7 warsa
- na. Mabacin
- ca. Magambahan/ ngambahang rambut
- ra. Menahin wastra
- ka. Malalung
- da. Masanggama
- ta. Manemah, mamisuh
- sa. Mawiadi utawi marebat
- wa. Mabaos cemer utawi wak parusia
- la. Misusuin rare
- ma. Menek-tuun ring palinggih sajabaning pamangku
- ga. Miwah sane siosan

Pawos 47

Sane mamurug pawos 45 ring ajeng kasinanggeh sisip tur mangda ngawentenang upakara guru piduka utawi tatebasan manut daging Sang Hyang Aji

Pawos 48

Kahyangan Kahanan Durmanggala

Kahyangan kahanan durmanggala luiripun:

- ha. Kahyangan kasamber dening kilap
- na. Karubuhan dening taru agung
- ca. Kasiratin dening rah manusa
- ra. Puun
- ka. Karanjingan Pandung utawi maling
- da. Karanjingang wong edan (jadma buduh)
- ta. Karanjingang wong sebel kandel
- sa. Karanjingang wong engengang
- wa. Karanjingang lulut
- la. Karanjingang buron alas
- ma. Kahanan wangken manusa

Pawos 49

Yening wenten jadm engengan ngranjing ring sajeroning pura sampunang kadropon mituhuin, mangda kapintonin manut kadi baos Sang Hyang Aji, yan tan tuhu dewa utawi widhi wong engengan punika wenang keni sisipan.

Pawos 50

Yening wenten Kahyangan kahanan manut pawos 48, 49, kahyangane punika patut kaprayascita malarapan antuk macaru, agung-alit upkarania manut Sastra Agama Hindu.

Pawos 51

Kukul ring Pura

Sahananing pura-pura Kahyangan Tiga patut wenten kukul maka cihna maa-ayu kasucian.

Pawos 52

Kukul ring pura patut kasuarayang ri tatkala wenten piodalan, paruman krama- krama panyungsung, ngawentenang pamuspan, miwah sane siosan manut pararem.

Pawos 53

Rerahinan

Rerainan-rerainan sane patut kalaksanayang utawi kamargiang olih krama desa adat Tingas sane nganutin pujawali, makadi:

1. Soma ribek
2. Pagerwesi
3. Tumpek
4. Sugihan
5. Galungan
6. Kuningan
7. Saraswati
8. Siwaratri
9. Nyepi

10. Purnama-Tilem miwah sane lianan

Pawos 54

Penjor Galungan

Nyabran rahina Galungan krama desa adat Tingas patut mamenjor ring lebu, makadi ring huluning pamesuan krama soang-soang.

Pawos 55

Nyanggra Panyepian

Melis utawi makiis kamargiang ring patirtan Taman beji utawi sagara.

Pawos 56

Ri kanjekan Makiis kaenter antuk prajuru desa adat sami sawawengkon desa adat Tingas.

Pawos 57

Ring Tilem sasih kasanga kawentenang pangrupukan, makacihna jagi nyanggra rahina panyepian. Upacara Panyepian kalaksanaang antuk krama desa adat utawi umat Hindu sami sajebag desa adat Tingas manut lontar Sunari Gama, inggih punika:

1. Amatigeni
2. Amatikarya
3. Amati Lelungan
4. Amati Lelangunan

Pawos 58

Brata Panyepian kawit kamargiang ri sasampune endag surya ngantos endag surya rahina benjangnyane.

Pawos 59

Sapasira sane mamurug pawos 58 ring ajeng keni sisip manut pararem.

Pawos 60

Rahina sesampun Nyepi kawastanin Ngembak geni, makacihna pangawit Isaka warsa anyar, soang-soang krama ring desa adat Tingas ngawentenang simakrama sane ketah kawastanin Dharma Shanti.

Palet 2

Resi Yadnya

Pawos 61

Ring Pura Kahyangan Tiga patut kaadegang Pamangku.

Pawos 62

Pamangku Kahyangan Tiga nenten keni cuntaka.

Pawos 63

Prade sinalih tunggil Pamangku Kahyangan Tiga kapialang, pangacine kengin kamargiang antuk pamangku Kahyangan Tiga sane nenten keni cuntaka manut sadok pamangku ring Klian Desa Adat.

Pawos 64

Ngadegang Pamangku patut nganutin dudonan kadi ring sor puniki:

- ha. Ngawilang saking turunan utawi panyade
- na. Nunas pawuwus Widhi
- ca. Pilihan krama desa adat Tingas

Pawos 65

Pamangku patut ngamargiang Diksa Widhi ring Kahyangan genah Pamangku inucap jagi ngayah, prabea kamedalang antuk krama sane ngamong.

Pawos 66

Sane nenten dados kanggen Pamangku:

- 1. Ceda Angga, luihipun:
 - ha. Peceng, sengkok, cungh, bolang, jrijin lima tuna, lebih, bidug, bancih,
 - na. Sakit ila, buduh, ayan, sakit beseh utawi beteg, sakit tahunan
 - ca. Nenten uning nyurat lan ngawacen aksara Bali miwah huruf latin

Pawos 67

Yen pet prade pamangku Kahyangan Tiga seda, patut kasanggra antuk i krama desa nenten wenang pendem, patut kaabenin, indik upakaranipun katanggung antuk krama desa.

Pawos 68

Dharmaning Pamangku

- 1. Sahananing Pamangku patut nelebeng malajah indik daging-daging pustaka pamekas pustaka Dharmaning Kapamangkuan
- 2. Pamangku Kahyangan Tiga patut muput sahananing upakara sane kaaturang antuk krama desa adat Tingas utawi krama desa soang-soang.

Pawos 69

Pikolih Pamangku Kahyangan Tiga

- 1. Polih pangangge putih-kuning arangsukan sakirang-kirangipun nyabran awarsa apisan
- 2. Ayahan miwah urunan keni atenga

Pawos 70

Wusan dados Pamangku

1. Sangkaning pinunas dane ngraga duaning nenten mrasidayang ngamargiang dharmaning kepemangkuan
2. Pamangku nilar sesana, murug swadharmaning kepemangkuan.
3. Yening pet wenten pamangku mamurug sesana kantos ping tiga, i krama desa adat wenang nguusang pamangku inucap.

Palet 3

Pitra Yadnya

Pawos 71

Setra inggih punika genah mendem utawi ngeseng sawa amongan krama desa adat Tingas sane maagama Hindu.

Pawos 72

Rahina pamendeman utawi pangesengan sawa ring setra patut ngarsayang pamargi ring sang sane wikan utawi ring Bendesa Adat.

Pawos 73

Rahina padewasan pamendeman utawi ngeseng sawa tan kadadosang ring sajabag setra ring desa adat Tingas sakadi ring sor:

1. Piodalan ring Kahyangan Tiga miwah pauman ring pura Kahyangan Tiga
2. Prawani, Purnama miwah Tilem

3. Rerainan jagat, sakadi Saraswati, Pagerwsi, galungan lan Kuningan
4. Ida Bhatara ring Pura Kahyangan Tiga kanton Nyejer

Pawos 74

Upacara Pangabenan Nglanus kadadosang kamargiang manut ring lontar Yama Purana Tattwa

Pawos 75

- ha. Rare sane mayusa kirang ring (3) tigang sasih padem, patut kapendem pramangkin tan ngetangan dewasa
- na. Yening sampun langkungan ring 3 (tigang) sasih patut abenang nglungah
- ca. Ngawit maketus salanturipun patut kaabenang, tur ngrereh pawilangan dewasa ayu
- ra. Jadma padem ngadut belingan, jadma padem keni gering agung manut pararem patut kapendem pramangkin

Pawos 76

Sajroning desa ri tatkala jagi mendem utawi ngeseng sawa lingkungan ring adiri ring rahina tur setra tunggal patut sane nampekan setra mamargi ka setrane riinan.

Pawos 77

Sajroning desa ri tatkala wenten mendem sawa miwah ngaben ring rahina lan setra tunggal patut sane mapendem margiang riinan

Pawos 78

Layon sane majalaran salah pati kadadosang buat budal tur kaupakara saha kapendem utawi kaaben sapatutipun

Pawos 79

Layon sane majalaran ngulah pati dados kabakta budal saha kapendem utawi kaaben nanging kawewehin antuk upakara pangulapan ring genah seda, ring perempatan jalan, ring cangkem setra, saha banten pangulapan inucap kasikiang ring sawannyane yadiastun mapendem utawi mageseng.

Pawos 80

Asing-asing krama desa adat sane padem patut kaabenang olih sang sane maderbe sawa utawi krama desa adat antuk pangeritan manut pararem desa adat Tingas.

Pawos 81

Dunungan utawi penumpang sane maagama Hindu sane wenten kulawargannyane makrama desa adat ring desa adat Tingas.

Pawos 82

Ri kanjekan ngamedalang sawa utawi layon mangda kadabdabang nganutin tata susila nenten dados magujeg utawi magarap

Pawos 83

Indik nginepang sawa ring paumahan manut dudonan: yening ngaben alit kadadosang 2 (kalih) wuku. Ngaben madia 3 (tigang) wuku, saha ngaben agung kadadosang 6 (nem) sasih.

Pawos 84

Ageng miwah alit pangabenan manut ring pawilangan upakara babangkitipun.

- ha. Nenten nganggen babangkit kawastanin ngaben alit
- na. Nganggen babangkit 1 janton 3 kawastanin ngaben madia
- ca. Nganggen babangkit langkungan ring tetiga kawastanin ngaben ageng

Pawos 85

Indik Larangan ring Setra

- ha. Tan kadadosang nginepang bangbang, pet wenten sakadi punika, krama inucap mangda ngupakara setra manut linging Sang Hyang Aji lan pararem desa adat Tingas.
- na. Ri kalaning ngendag ring setra, nenten dados makta tanah setra ka palemahan desa adat
- ca. Nenten kadadosang makarya kuburan parmanen antuk batu bata, paras, beton, miwah sakancanipun

Pawos 86

Jadma sane sios agama nenten kadadosang nganggen setra ring sajabag desa adat Tingas

Pawos 87

Yening wenten krama sane mamurug daging Awig-Awig palet Pitra Yadnya ring ajeng, patut keni sisip manut pararem.

Palet 4

Manusa Yadnya

Pawos 88

Manusa yadnya inggih punika, upacara-upacara indik dharmaning kamanusan ngawit ngemban manik sajeroning garbha ngantos kalayu sekar.

Upakara-upakara inucap sakadi ring sor:

1. Magedong-gedongan
2. Embas rare
3. Kepus udel

4. Roras rahina
5. Nutug kambuhan
6. Nigang sasihin
7. Maoton
8. Nutug Kelih, Ngrajasingha muang ngraja swala
9. Matatah utawi mapandes
10. Mawiwaha
11. Mawinten

Upacara – upacara inucap nista, madia utamanipun manut sastra agama Hindu miwah Catur dresta.

Pawos 89

Desa Adat Tingas nenten maosang indik manak salah, anglangkahi karang hulu, muang asu mundung manut peraturan daerah/Perda Bali No.X Thn.1951.

Palet 5

Bhuta Yadnya

Pawos 90

Bhuta Yadnya inggih punika upacara pabiakalan ring perthiwi lan ring sarwa prani malarapan antuk upacara lan apakara.

Pawos 91

Upakara lan upacara ring sarwa prani luire:

1. Ring sarwa tumuuh ri kala tumpek pangatag nemonin Saniscara Kliwon Wariga
2. Ring sarwa wewalungan utawi ingon-ingon nemonin Saniscara Kliwon Uye

Pawos 92

Upacara pabiakala ring perthiwi ring kahyangan lan babhutan kawastanin macaru utawi taur

Pawos 93

Pacaruan inucap ring ajeng, nista , madia, utamanipun manut wiguna kadi ring sor puniki:

1. Eka sata
2. Panca sata
3. Panca sanak
4. Panca kelud
5. Resi ghana
6. Tawur Agung

Pawos 94

Tawur Kasanga

Nangken ngawarsa ri kalaning Tilem Kasanga, kamargiang Tawur Kasanga malarapan antuk rerepi sane kawedar antuk Parisada Hindu Dharma Indonesia.

Pancamas Sargah
Druen Desa Adat lan Kahyangan Tiga

Palet 1

Druen Desa Adat

Pawos 95

Druen Desa Adat Tingas sakala muang niskala marupa : Kahyangan Tiga saha sadagingnyane. Druen Desa Adat sane lianan makadi: sawah (pakarangan, pagunakayan desa adat), taler Lembaga Perkreditan Desa (LPD).

Palet 2

Druen Kahyangan Tiga

Pawos 96

Tanah sawah druen Pura kahyangan Tiga kawastanin palaba pura

Pawos 97

Saluiring padruen Pura Kahyangan Tiga punika patut wenten ilikitanipun.

Pawos 98

Upon-upon palaba inucap patut i prajuru desa ngraksa kanggen mecikang utawi miara taler kanggen prabea upakara ring Pura amongan desa adat Tingas manut pararem.

Pawos 99

Sapasira ugi nenten kawehin ngadol, utawi nukar palaba pura inucap sajawaning wenten tetujon siosan manut pararem desa adat saha ilikita.

Sat Sargah
Sukertha Tata Pawongan

Palet 1

Pawiwahan

Pawos 100

Pawiwahan inggih punika parabian wong lanang sareng wong istri sane madasar antuk karaketan pikayunan sang kalih jagi ngulati kajagadhitan ring sajeroning pakurenan manut ring ajaran agama Hindu.

Pawos 101

Sang sane sampun kasujatiang marabi patut madrue ilikita marupa akte perkawinan, sane kamedalang antuk guru wisesa majalaran upasaksi saking bendesa Adat.

Pawos 102

Indik upakara pawiwahan patut kamargiang catur drestane miwah patut kasaksiang olih prajuru banjar adat soang-soang miwah Klian Desa Adat.

Piteges Indik Pawiwahan:

1. Pawiwahan punika manggeh sah yening sampun nglaksanaang
ha. Widhi Widhana
na. Wenten saksi saking prajuru desa
2. Ri kalaning pawiwahan, umpaminipun wenten sinalih tunggil nenten rauh santukan wenten karya mabuat pisan, makadi wenten ring dura negara, wenten ring payudan miwah sane siosan, pawiwahan punika patut kamargiang tur kasahang ri sampun wenten ilikita utawi surat pernyataan sane janten sah sane tan rauh, kala ring natab sane nenten rauh punika patut kagentosin antuk panggangge.

3. Pawiwahan kabaos nenten sah yening:
ha. Natab upakara saking papaksan
na. Nenten wenten nyaksiang tur nenten madrue ilikita
ca. Silih tunggil nenten rauh tur nenten wenten surat pernyataan
4. Gamia Gamana
Gamaia gamana punika patut kelidin, ri antukan ngaletihin desa adat, sakewanten
pet wenten sakadi punika patut kaprayascita manut linging Sang Hyang Aji

Palet 2

Pegat Makurenan

Pawos 103

- Ha. Yening wenten krama palas marabian sangkaning pada lila, patut ngawentenang
sadok malarapan antuk surat pernyataan ring Prajuru desa utawi banjar tur
mangda polih ilikita saking Guru Wisesa utawi Pengadilan.
- Na. Krama sane sampun pecak palas marabian, pradene atep malih mangda
ngawentenang sadok ring Klian Banjar Adat utawi Klian Desa Adat turmaning
ngawentenang malih upakara pawiwahan manut dresta.

Palet 3

Angkat Santana

Pawos 104

Sane dados kaangkat kaanggehang santana inggih punika jadma lanang utawi istri sane
durung marabian, saha yusanipun alitan ring sang sane ngangkat samaliha pageh
ngamanggehang agama Hindu.

Pawos 105

Pinih riin pangambilan santana inucap manut saking purusa, yening nenten wenten saking purusa wawu saking pradana, teler nenten wenten wawu ngambil ring sapasira ugi.

Pawos 106

Sentana sane manggeh pastika sesampune majalaran antuk upakara agama Hindu, kasaksiang antuk Prajuru Adat tur kasiarang majeng ring krama sami.

Pawos 107

Asing-asing sang sane ngangkat sentana patut numusang ring Guru Wisesa makadi ring Pengadilan Negeri

Palet 4

W a r i s

Pawos 108

Sane sinanggeh waris artha brana miwah tetegenan minakadi : Artha Guna kaya, pusaka, hak ngangge karang desa, taler utang piutang sane wenten saderengnya tur durung prasida ka taur.

Pawos 109

Warisan patut katerima antuk ahli waris, ri sasampune sane nerimaang waris kaabenang.

Pawos 110

Sane sinanggeh ahli waris inggih punika: Preti santana purusa taler sentana paperasan sane pastika.

Pawos 111

Pedum waris lanang istri pateh yening nenten klesa utawi nyeburin.

Pawos 112

Ahli waris sane nenten patut nerima waris:

Ha. Nyentana nyeburin karang ring jadm siosan

Na. Jadm Alpaka guru Rupaka utawi nyedayang miwah keni hukuman pidana.

Saptamas Sargah .

P a s u k e r t h a n D e s a

Palet 1

Pakarangan

Pawos 113

Karang Desa inggih punika palemahan Desa Adat sane nganutin Tri Hita Karana makadi tegak sanggah utawi Mrajan, tegak umah pamereman miwah teba pakarangan sane panyanggran ipun kasukserahang ring krama desa adat turun temurun saha ayahan Desa Adat.

Pawos 114

Karang Desa nenten dados kailikitang utawi kasertifikatang napim malih kaadol.

Pawos 115

Karang medi inggih punika kaang paguna kaya sane wenten ilikitanipun samaliha sampun kawangunang umah, karang medi punika kadadosang adol.

Pawos 116

Sakaluiring karang patut wenten margi, pradene wenten karang kabebeng patut Prajuru desa ngutasahaang mangda wenten margi ring karang punika.

Pawos 117

Karang paumahan, karang teba patut wenten wates ipun marupa panyengker utawi pagehan mangda jantos trepti nyatur desa.

Pawos 118

Karang paumahan patut mahulu kangin utawi kaler, wates kakuasa antuk sang sane madrue ulu.

Pawos 119

Pradene wenten karang paunahan maundag-undagan sane patut ngaryanin wates wantah karang sane ba duuran.

Pawos 120

Sapasira ugi melaksana ring pawatesan panyengker sane ngawinang rusak utawi pocol anak siosan, patut keni sisip:

Ha. Mecikang sahanan sane karusakang

Na. Kadanda, manut pararem

Palet 2

W e w a n g u n a n

Pawos 121

Wewangunan nenten kadadosang ngalintangin wates pakarangan krama sios napi malih kantos ngungkulin wewangunan anak sios.

Pawos 122

Wewangunan pawaregan, kakus, pasiraman, kandang wewalungan patut kakaryanang bangbang utawi Septikteng, santukan kotoran ipun mangda nenten kantos ngalintangin pakarangan anak sios.

Pawos 123

Sapasira piwal ring pawos inucap, kasisipang turmaning ngamecikang karusakan ipun tur kadenda manut pararem

Palet 3

Tetanduran miwah Papayonan

Pawos 124

Tetanduran miwah Papayonan nenten dados kantos ngungkulin ka pisaga napi malih ngawetuang bhaya ring karang pumahan anak siosan, ri kala nandur papayonan mangda masukat 2 meter saking wates.

Pawos 125

Papayonan sane patut kaebah, kaabut utawi katotor malarapan antuk wicara, kalaksananyaang antuk sane nruenang mawaneng 2 wuku utawi 14 rahina, ngawit kasadokang ring prajuru saha rahinan panetepan tetepasan prajuru desa.

Pawos 126

Pradene manut pawos 125 jantos telas wanengipun, nenten kalaksanaang antuk sang sane nruenang, dados kalaksanaang antuk sang sane kabayanin, samaliha saang pungkatanipun utawi hasil totorane punika kabukti antuk sang sane kabayanin, saha kasaksiang antuk i prajuru desa.

Pawos 127

Papayonan sane bah utawi pungkut wiadin empak malarapan antuk alam, turmaning nyengkalen pisaga, patut sang sane nruenang papayonan keni prabea kapocolan saparo, ngamecikang karusakan saha maduluran prayascita, indik bah pungkutan punika kabukti olih sane naban.

Pawos 128

Papayonan sane kaebah, katotor, kaponggol tur ngrubuhin wewangunan anak siosan, sane ngongkon nglaksanaang patut kasisipan negen sahananingb prabea ngamecikang rerubuhan saha maduluran upakara pamrayascita.

Pawos 129

Yening wenten wit taru mentik sajeroning wates tur wenten sadok ring prajuru, taru punika patut kaepah tiga, asika katiba ka desa utawi banjar, sang nruenang karang soang-soang polih peduman asiki.

Pawos 130

Yening wenten entik-entiksn mksdi tiing, pisang, miwah sane siosan mentik nglintangin wates, entik-entikane punika patut kataban utawi kadruenang antuk sang sane maderbe wewidangan

Pawos 131

Sahananing entik-entikan sane katandur ring palemahan pura utawi tegal druen Desa Adat Tingas mangda kapiara antuk krama desa Tingas

Pawos 132

Yening wenten krama polih nuduk woh tetanduran utawi sane siosan mawit saking tetanduran druen Desa AdaT Tingas patut kasukserahang saparo ka desa Adat, sane malih saparo kambil olih sang sane nuduk, manut pararem.

Pawos 133

Yening krama mamurug kadi pawos ring ajeng, turmaning wenten krama siosan sane nyadokang ring prajuru desa, krama sane polih nuduk punika patut ngawaliang nikel ping tiga saking pangargan barang inucap.

Palet 4

Wewalungan

Pawos 134

Sahananing wewalungan suku pat nenten kadadosang malumbar.

Pawos 135

Wewalungan suku pat sane malumbar ngalintangin wates, patut kataban, sakewanten mangda kapiara antuk sang naban saha kasadokang ring prajuru desa.

Pawos 136

Wewalungan sane kataban patut kaserahang ring sang sane nruenang ri sasampune naur tetebasan ring prajuru, agung alit manut pararem

Pawos 137

Pikolih tetebusan manut pawos ring ajeng patut kepah tiga, kasuserah ring sang sane naban asiki, prajurtu asiki, miwah krama banjar asiki.

Pawos 138

Wewalungan sane nenten mariangken nyantos 11 rahina, wewalungane inucap dados kakuasaang antuk sane polih naban miwah krama banjar

Pawos 139

Wewalungan ring ajeng, pet padem sangkaning nenten gumanti, sang sane naban patut masadok ring prajuru, mangda sang sane naban luput saking pangentos papocolan.

Palet 5

P a m a r g i n S a w a

Pawos 140

Soang-soang krama desa patut maderbe margi ri tatkala muat sawa utawi makutang, patut ring margi sane mula dados utawi lumbrah kamarginin muat sawa rauh ring setra.

Pawos 141

Ri tatkala muat sawa ka setra nenten kapatutang magarap magujegan napi malih karagg-kirig, satmakane nenten bhakti ring Sang Hyang Agama.

Pawos 142

Prade wenten sakadi pawos ring ajeng, krama banjar patut mrayascitaang raga saha nunas pangampura ring sang sane maderbe sawa.

Pawos 143

Ngentasang sawa ring tegalan wiadin ring sawah manut pawarah prajuru desa utawi pakaseh, tegal wiadin sawah sane kamarginin punika patut kaupakara sepatutipun antuk sang sane maderbe sawa. Upakarane inucap kamargiang ring sawah utawi tegalan sane kalintangin ngawit saking hulu rauh katebenan kasiratin tirtha upakara punika.

Pawos 144

Pet wenten krama kalayuan sekar (seda) ring pakarangan umah, ring sawah, genah puniuka patut kaupakara antuk sang sane maderbe sawa.

Pawos 145

Prade wenten krama manggihin jadma padem utawi sawa sane nenten janten sane ntuenang, patut kasadokang ring prajuru desa utawi ring klian dinas.

Palet 6

P a n y a n g g r a

Pawos 146

Sinalih tunggil krama banjar ngwangun karya Panca yadnya, makadi dewa Yadnya, Rsi Yadnya, Pitra Yadnya, Manusa Yadnya miwah Bhuta Yadnya kadadosang nunas panyanggra ring krama desa utawi krama adat

Palet 7

Kertaning Banjar mebat

Pawos 147

Pradene wenten sinalih tunggil krama makarya ngaben neng, tur krama banjar katurin mebat, sane katiba ring banjar sajawaning punika dados malih nunas tulung mebat sane pacang katur ring tamiu tur makarya upakara, manut pararem

Pawos 148

Ri kalaning mebat ring banjar nenten kadadosang nyeceb utawi nyicipin sajawaning sane ngadonang miwah sang sane kapangandikaang nyicipin.

Pawos 149

Yening wenten jadm nyecb ebeten, siosan ring pawos inucap, taler pet wenten krama maling ulam matah patut kasisipan manut pararem

Palet 8

B h a y a

Pawos 150

Sane kawastanin bhaya wenten 5 soroh, sanc kawastanin Panca Bhaya, inggih punika;

1. Jiwa Bhaya minakadi kalebon amuk
2. Artha Bhaya minakadi kabegal, karampok, kamalingan
3. Aghni Bhaya minakadi umah puun
4. Er bhaya minakadi blabar utawi kabanjiran
5. Duracara Bhaya minakadi ring agama, ring desa adat, sakadi nhrusak utawi ngaletchin Parhyangan, Gamia Gamana utawi masanggama salah timpal, masanggama sareng pianak, sareng nyama tugelan, masanggama sareng sato.

Pawos 151

Krama desa sanc uning ring kawentenan bhaya sakadi ring ajeng, patut digelis nepak kulkul desa adat manut cihna bhaya tur masadok ring prajuru.

Bhaya duraacara ring agama ring desa adat Tingas kabiaktayang manut tri pramana, saksi, bhukti, ilikita. Sane malaksana punika kasisipan tur kadanda saha upakara manut baos Sang Hyang aji Agama Hindu.

Palet 9

Kacuntakan

Pawos 153

Manut keputusan paruman desa adat sawawengkon Kabupaten badung Warsa 1974, miwah keputusan pokok-pokok kesepakatan paruman sajebag Bali duk warsa 1986, maosang Kacuntakan, inggih punika kahanan jadmata utawi barang-barang sane kabaos nenten suci manut agama Hindu.

Pawos 154

Cuntaka wenten kalih soroh minakadi Leteh miwah sebel

1. Sane kabaos leteh inggih punika barang-barang sane rauh saking layon utawi sawa, minakadi: tulang welulang, rah utawi getih, bok, wastra pangaput layon, layudan saking pangabenan
2. Sane kawastanin sebel minakadi
 - Ha. Jadmata istri ngraja swala wanengipun jantos ngawentenang upakara pabersihan
 - Na. Jadmata sane ngamedalang rarewanengipun jantos 42 rahina, lanangne jantos kepus puser
 - Ca. Jadmata karuron mawaneng 42 rahina
 - Ra. Jadmata wawu makurenan jantos puput mabiakala utawi puput mawiwaha

- Ka. Jadma sane malaksana Gamia Gamana, salah timpal, wanengipun jantos kamargiang pamarisudha desa adat miwah ring kahyangan Tiga manut linging Sang Hyang Aji.
- Da. Jadma beling durung sinangaskara, jantos kawentenang upakara pabiakaonan
- Ta. Jadma mamitra Ngalang, luh-muani kanton sebel wanengipun jantos puput maupakara pabiakaonan
- Sa. Jadma lekad sane belingan ipun tan kaupakarain antuk pawiwahan, wanengipun jantos kawentenang upakara pamerasan manut agama Hindu saha ilikita. sebel memenipun salami durung kakaryanang pawiwahan.
- Wa. Jadma sane malaksana Sad Atatayi
1. Aghenida nunjelin jantos bhaya geni
 2. Weisada meracun anak sios
 3. Atharwa melaksana nesti
 4. Satrugna malaksana ngamuk
 5. Dratikrama maparikosa
 6. Raja Pisuna demen mamisuna. Waneng ipun jantos kawentenang upakara pamrayascita, jadma kadi punika nenten pisan dados kaadegang pinandita utawi rohaniawan
- La. Sebel sangkaning kematian, wanengipun manut loka dresta, miwah sastra dersta, taler manut pararem

Palet 10

Bhusana Adat

Pawos 155

Manut keputusan pasamuhan desa adat sajebag Kabupaten badung warsa 1974 mitegesin indik bhusana adat kadi ring sor:

1. Bhusana suka duka nganggen wastra miwah slempot
2. Bhusana kundangan nganggen wastra miwah kampuh
3. Bhusana muspa ring Kahyangan utawi pura nganggen wastra, kampuh lan destar

Asthamas sargah

Wicara lan Pamidandha

Palet 1

Pawos 156

Saluiring wicara patut kapuputang antuk prajuru malarapan antuk pamastika daging awig-awig Desa Adat Tingas

Palet 2

Pawos 157

Saluiring wicara sane sampun kajantenang sisip antuk prajuru, sang keni sisip patut ngelaksanaang utawi naur buntas sajeroning pawanenganipun minakadi pamidanda, utang, paturunan, manut sakadi sane sampun kacumponin.

Pawos 158

Saluiring danda, utang, paturunan sane nenten buntas kalaksanayang utawi kataur sajeroning pawanengipun, prajuru patut mapakeling ring sang sane sisip

Pawos 159

Pradene nenten kataur manut pawos ring ajeng, prajuru malih mapakelingin jantos ping tiga, pakeling prajuru inucap taler nenten karengayang, artha brana sang sane sisip dados karampag, makadinipun: ingon-ingon suku kalih, suku pat, entik-entikan, radio, televisi, sawawaning prabot paon, miwah sane kanggen ngrereh pangupajiwa, sapunika taler sane kainggilang manut agama Hindu, nenten dados karampag

Pawos 160

Rarampagang kalaksanaang mawaneng 7 rahina ngawit prajuru mituhayang ring sang sane keni rerampagan punika.

Pawos 161

Rerampagam kamargiang antuk prajuru kasarengin antuk krama banjar, ngrauhin jeroan utawi umah sane keni karampag tur ngambil artha brana sane kaserahang kaanggen muntasang kasisipanipun minakadi utang, paturunan miwah denda.

Pawos 162

Artha brana rarampagan punika kakuasaaang antuk prajuru kaanggen muntasang kasisipan sang sane karampag, dados kaadol samael-maelipun

Pawos 163

Prajuru, krama banjar nenten polih paduman saking palaksanaan rarampagan punika.

Nawamas Sargah

Panampih

Palet 1

Pararem

Pawos 164

Awig-Awig desa Adat Tingas puniki mangda kajangkepang antuk pararem, sasampune kararemang antuk sakirang-kirangnyane kalih pah tiga (2/3) saking krama sane ngamiletin paparuman.

Pawos 165

Keputusan pararem desa utawi pararem banjar ring sawawidangan desa adat Tingas patut wenten ilikita tur mangda kapidartayang raing krama desa, saha kalinggatanganin antuk prajuru banjar miwah prajuru desa adat.

Palet 2

Indik Pamekaran Desa Adat Pararem

Pawos 166

Nenten kapidayang ngawentenang pamekaran desa adat, nanging kalugra ngawentenang pamekaran banjar tempekan, yening sampun manut sakadi ring sor puniki:

1. Pamekaran punika mangda majalaran antuk musyawarah
2. Pamekaran punika boya ja sangkaning biuta, sakewanten ngulati kasukertan desa miwah nincapang wewangunan.

Dasamas Sargah

W e s a n a

Pawos 167

Awig-Awig puniki kakardinin antuk, olih, saking krama Desa Adat Tingas, malarapan antuk dresta minakadi, Sastra dresta, Desa dresta, Loka dresta, miwah Purwa dresta.

Pawos 168

1. Awig-Awig puniki kaingkupang tur kaparipurnang duk rahina : Anggar Kasih Tambir, pinanggal masehi 21 Mei 2013.
2. Awig-Awig puniki kalinggatanganin olih:
 - Ha. Pangripta
 - Na. Bendesa Adat Tingas
 - Ca. Perbekel
 - Ra. Camat Abiansemal pinaka saksi
 - Ka. Bupati Badung pinaka pamikukuh tur cihna bukti sampun kasurat ring Pemerintah Kabupaten Badung.

Sang sane ngalinggatanganin

Pangripta



I Wayan Sudiana

Manggala



I Gusti Ngurah Mavun

Panyarikan

Para Angga Pangripta

1. Anak Agung Ngurah Dunia, SE. M.Si

2. I Gusti Agung Gede Sudiasa

3. I Made Gari

4. I Nyoman Mutra

5. I Wayan Suka


6. A A Gede Putra Prana Wijaya

7. I Wayan Pujawan


8. I Nyoman Suarta


9. I Wayan Ginastra



10. I Made Karta


.....

.....

.....

.....

.....

.....

.....

.....

.....

.....



FGst. Ngr. Gede Jaya Saputra, S.Sos.,MAP

NIP: 19750207 1993 111 002

Kapikukuh tur Kasurat ring Pemerintah Kabupaten Badung

Tanggal Masehi :

Nomor :



Anak Agung Gde Agung

PIDAGING

AWIG-AWIG DESA ADAT

TINGAS

MEKAR BHUANA

MURDA CITA	1
SARGAH I ARAN LAN WEWIDANGAN DESA.....	1
Palet 1 Aran Desa Adat.....	1
Palet 2 Wewidangan Desa Adat	1
SARGAH II PAMIKUKUH, PATITIS LAN UTSAHA	2
Palet 1 Pamikukuh	2
Palet 2 Patitis	2
Palet 3 Utsaha	5
SARGAH III SUKERTAN TATA PAKRAMAN	5
Palet 1 Krama Desa Adat.....	5
Palet 2 Prajuru.....	8
Palet 3 Kukul	11
Palet 4 Paruman	12
SARGAH IV SUKERTA TATA AGAMA	15
Palet 1 Dewa Yajna	15
Palet 2 Rsi Yajna	20
Palet 3 Pitra Yajna	22
Palet 4 Manusa Yajna	25
Palet 5 Bhuta Yajna	26

SARGAH	V	DRUWEN DESA LAN KAHYANGAN TIGA	28
		Palet 1 Druwen Desa Adat.....	28
		Palet 2 Druen Kahyangan Tiga.....	28
SARGAH	VI	SUKERTAN TATA PAWONGAN.....	29
		Palet 1 Pawiwahan.....	29
		Palet 2 Ngangkat Sentana.....	30
		Palet 3 Waris.....	31
SARGAH	VII	PASUKERTAN DESA	33
		Palet 1 Pekarangan.....	33
		Palet 2 Wewangunan	34
		Palet 3 Tetanduran lan Papayonan.....	35
		Palet 4 Wewalungan	37
		Palet 5 Pamargin Sawa	38
		Palet 6 Panyanggra	39
		Palet 7 Kretaning Banjar Mebat	39
		Palet 8 Bhaya	40
		Palet 9 Kacuntakan	41
		Palet 10 Bhusana Adat.....	43
SARGAH	VIII	WICARA LAN PAMIDANDA	44
SARGAH	IX	PENAMPIH.....	46
		Palet 1 Perarem	46
		Palet 2 Indik Pemekaran Desa	46
SARGAH	X	WESANA	47

MURDHA CITTA

Om Awighnamastunamosidham

Putusing Krama Desa Adat Tingas gumawe awig-awig Desa Adat maka sepat siku-siku pangrajeg, wastu kasidhan prayojanan mami kabeh, prasama angidep muah amagehaken kadi tata gamaning linging awig-awig iki.

Prathamas Sargah

Aran lan Wawidangan Desa

Palet 1

Aran Desa Adat

Pawos 1

Desa Adat puniki mawasta Desa Adat Tingas.

Palet 2

Wawidangan Desa Adat

Pawos 2

Wewidangan Desa Adat Tingas mawates nyatur Desa:

- ha. Sisi Wetan Palemahan Desa Adat Bindu.
- na. Sisi Kidul Palemahan Subak Tanah Yeng.
- ca. Sisi Kulon Desa Adat Lambing
- (ra). Sisi Lor Desa Adat Sigaran

Dwityas Sargah

Pamikukuh, Patitis lan Utsaha

Pawos 3

Desa Adat Tingas ngemanggehang pamikukuh minakadi :

1. Pancasila
2. Undang-undang Dasar 1945
3. Agama Hindu.
4. Pasilih-asih salung-lung sabhayantaka.

Palet 2

P a t i t i s

Pawos 4

Desa Adat Tingas gumanti:

1. Ngrajegang Pancasila.
2. Mikukuhin miwah ngrajegang agama Hindu malarapan antuk astiti bakti ring Ida Sang Hyang Widhi Wasa.
3. Nincapang kaweruhan krama desa adat, miwah ngwerdiang bhoga, upa bhoga, pari bhoga.
4. Ngwangun Pasukertan ring Pakraman, kandugi mangguhang kajagadhitan malarapan antuk pasilih asih salunglung sabhayantaka.

Awig-awig Desa Adat Tingas 2

Palet 3

U t s a h a

Pawos 5

Patitis ring akeng kalaksanayang majalaran antuk Tri Warga inggih punika, Dharma, Artha miwah Kama, ngupadi kajagadhitan.

Tretyas Sargah

Sukerta Tata Madesa Adat

Palet 1

Krama Desa Adat

Paos 6

Sane sinanggeh krama desa, sang sapa sira ugi polih nanggap karang desa utawi maderbe karang paumahan jangkep ring sanggah utawi mrajan kemulan, taksu, utawi parhyangan, sane sampun nganutin kadi upakara agama Hindu ring sinalih tunggil banjar adat utawi Desa Adat Tingas.

Pawos 7

Sapa sira ugi sane wawu makarya karang paumahan muang Sanggah Kamulan Taksu utawi parhyangan manut agama Hindu, kengin nedunin makrama desa mawates 2 warsa saking ngaub ring rahina Nyepi tur naur batu-batu adat manut pararem desa utawi banjar adat, yening krama uedan desa adat Tingas nenten keni pananjung batu.

Pawos 8

Bacakan Krama :

1. Krama manut pawos 6,7 kawastanin krama ngarep.
2. Krama ngampel utawi pangele, sapasira ugi sane wenten dedandanan waris saking krama ngarep, tur magenah ring sajeroning palemahan karang desa inucap.
3. Krama pangele, sapasira sane madunungan tetep ring krama ngarep wiadin magenah ring sajeroning palemahan desa adat Tingas.

Pawos 9

Sapasira ugi durung manut paos 8 ring ajeng, kasinanggehang dunungan.

Pawos 10

1. Sapasira ja nampi dunungan langkungan ring arahina mangda nyadokang ring prajuru
2. Sang sane kasungguh dunungan, yening sampun jenek ring desa adat Tingas langkungan ring asasih turmaning sampun madrue pangupajiwa, patut keni dana manut pararem.
3. Sang sane madunungan pinaka patut nyarengin mareresik tur marerisak ring wawidangan desa adat Tingas.

Pawos 11

Sapasira ugi krama manut pawos 8 ring ajeng, sane sampun makurenan patut keni ayahan lan papeson suka duka manut pararem.

Pawos 12.

Sapasira ugi krama desa adat Tingas maderbe putra utawi pianak sampun mayusa 18 warsa (sampun ngranjing ring SMA – SMK) sampun kadadosang pinaka ayahan panyeledihi.

Pawos 13

Krama sane balu keni ayahan lan papeson manut balunipun makadi, balu luh luput ring ayahan lan papeson muani, sapunika taler sane balu muani luput ring ayahan papeson luh.

Pawos 14

1. Balu Nglintik utawi balu remban inggih punika balu sane nenten maderbe ayah panyeledihi.
2. Balu Ngempu minakadi:
 - ha. Balu sane maderbe ayah panyade utawi panyeledihi patut ngamedalang papeson miwah ayahan mepek.
 - na. Balu sane Mamitra ngalang kawiaktianipun nenten kapatutang, sakewanten prade wenten sakadi punika patut mrayascitayang raga tur kasaksiang olih prajuru kasarengin antuk krama desa adat, raris keni ayahan miwah urunan mepek.

Pawos 15

Balu remban muani ngelah pianak luh, balu remban luh ngelah pianak muani, sampun mayusa 18 warsa keni ayahan lan papeson mepek sajawaning kantun masekolah.

Pawos 16

Sinalih tunggil krama desa balu tua, nenten mrasidayang ngambil pakaryan turmaning nenten maderbe panyeledihi, krama punika nenten keni papeson miwah ayah-ayahan manut tetimbang prajuru desa.

Paos 17

Jadma ubuh nenten maderbe meme bapa luput ayahan, nanging yan sampun mayusa 18 warsa kanton daha utawi truna keni ayahan lan papeson balu.

Paos 18

Krama sane nincapang kaweruhan, utawi muatang pawilangan manut patitis awig-awig ring pawos (4.3) , kayogyang numbas ayahan, agung alit manut pararem desa utawi banjar.

Pawos 19

Leluputan

Sane patut luput ayah miwah papeson desa adat, inggih punika :

1. Prajuru desa adat manut pararem.
2. Pamangku Kahyangan Tiga.
3. Para Sulinggih lan Pinandita.

Pawos 20

Dharmaning lan kawenangan Krama Desa Adat Tingas

1. **Dharmaning Krama Desa Adat Tingas:**
 - ha. Ngayah ring Kahyangan Tiga
 - na. Ngayah ring Desa Adat
 - ca. Muspa utawi mabhakti ring Kahyangan Tiga, sajabaning kacuntakan.
 - ra. Nyanggra sahananing prabea wewangunan lan pangacian ring desa utawi ring Kahyangan Tiga miwah prabea-prabea sane kaperluang olih desa adat.
2. **Kawenangan krama desa adat :**
 - ha. Polih pangayoman sekala-niskala.
 - na. Patut nyanggra karang desa miwah banjar, nganggen setra desa adat.
 - (ca). Maturan utawi muspa ring Kahyangan Tiga.

Pawos 21

Wusan Makrama desa Adat

Sane kengin wusan madesa adat utawi mabanjar adat minakadi:

1. Krama sane magingsir genah ka desa adat lianan, samaliha sampun pastika sah katerima ring desa adat inucap, i riki patut kalepas antuk prajuru desa adat maduluran ilikita sane pastika.
2. Yening wenten krama desa adat Tingas wusan magama Hindu, swadharma miwah wawenang dados krama desa adat ring desa adat Tingas ical kadulurin antuk pararom.

3. Krama sane wusan madesa Adat ring desa Adat Tingas nenten polih pah-pahan artha brana padruen desa adat.
4. Kawiaktianipun nenten kadadosang nyuudang krama makrama desa adat taler mabanjar adat.

Palet 2

P r a j u r u

Pawos 22

Prajuru Desa ainggi punika sang sane ngenterang sapuluh-palih makrama Desa Adat.

Pawos 23

Prajuru desa wenten kalih soroh:

1. Parajuru Desa Adat, minakadi :
Klian Desa Adat utawi Bandesa Adat, Panyarikan utawi sekretaris, Juru Raksa utawi bendahara.
2. Prajuru Banjar Adat
.Klian Banjar Adat utawi Klian Patus punika Patajuh Klian Banjar Adat miwah Kasinoman.

Pawos 24

Jabatan Prajuru desa Adat mawaneng 5 warsa

Pawos 25

Prajuru kapilih miwah kagentosin malarapan antuk pararem krama desa adat. Ri sasampune prajuru prasida kaadegang malarapan antuk pemilihan, prajuru inucap patut madewa saksi ring Pura Bale Agung, prabeanipun katanggung antuk krama desa adat.

Pawos 26

Sang sane dados kaadegang prajuru inggih punika, krama desa adat Tingas sane wikan wicaksana turmaning magama Hindu, mayusa sakirang-kirangipun 30 warsa tur sampun marabian, waged ring sastra agama Hindu turmaning wikan ngwacen utawi nyurat aksara Bali taler huruf Latih, sane pinih utama maderbe kayun ngayah ssangkaning lascarya satya bratha.

Pawos 27

Wusan dados Prajuru

Wusan dados Prajuru:

1. Sangkaning sakeng pinunas ngraga, manawi polih tugas saking pemerintah ka dura desa, doh saking desa adat Tingas, manawita sangkaning sakit-sakitan.
2. Santukan telas wanenge ngayah samaliha nenten kapilih malih.
3. Santukan nilar sesana.

Pawos 28

Pikenoh Prajuru Desa:

1. Luput saking sahananing papeson utawi urunan manut pararem

Pawos 29

Piteges indik palet Prajuru:

1. Klian Desa Adat pinaka panua, kasanggra antuk panyarikan lan juru raksa miwah Klian Banjar Adat.
2. Swadharmaning Klian desa Adat utawi Bendesa Adat, ngenterang saha ngamargiang Awig-Awig Desa Adat miwah Pararem desa
3. Ngenterang Krama rauhing warga desa sami ngupadi patitis awig-awig.
4. Maosang miwah niwakan pamutus majeng ring sahananing wicara sane metu ring Desa Adat Tingas maka pamutus wantah daging awig-awig desa adat Tingas.
5. Maka duta desa ri kala wenten paguneman ring dura desa saha paguneman saking pemerintah.
6. Prajuru sami pinaka manggala desa, mangda ngapti sane kawastanin asta bratha.

Palet 3

K u k u l

Pawos 30

Kukul punika sarana desa utawi banjar, maka cihna pasikian pikayunan ri tatkala suka-duka.

Pawos 31

Suaran kulkul mabina-binayan manut kawigunan sakadi puniki:

- | | | | |
|-----|---------------------------------|---|---|
| 1. | Kahanan Bhaya Geni | : | Atulud ngambat |
| 2. | Kahanan Erbhaya utawi banjir | : | Duang tulud |
| 3. | Kahanan Bhaya Amuk | : | Tigang tulud |
| 4. | Kahanan Kamalingan | : | Atulud |
| 5. | Bhaya sampun prasida katulungin | : | Pawilangan parum |
| 6. | Krama Kamatian | : | Pawilangan parum utawi pawilangan makarya. |
| 7. | Wong nglayat | : | Atulud, mimbuh, tung, tung, tung |
| 8. | Wong rare medal | : | Sane Lanang : Tung, Tung, Tung
Sane Istri : Tung, Tung |
| 9. | Maayu-ayu piodalan | : | Tung – Ting ngompang |
| 10. | Magebagan | : | Pawilangan suaran kulkul manut jam |

Palet 4

P a r u m a n

Paos 32

Paruman luihipun:

- ha. Paruman krama desa.
- na. Paruman krama banjar
- ca. Paruman Prajuru Desa
- ra. Paruman Prajuru Banjar.

Pawos 33

- ha. Paruman krama desa sakirang-kirangipun asasih apisan, utawi nganutin babuatan.
- na. Paruman krama banjar nganutin babuatan sakirangipun asasih apisan, katetepang manut pararem
- ca. Paruman prajuru nganutin kabuatan sakirangipun nyabran asasih apisan.

Pawos 34

Parumang kakawitin ri sasampune karauhin antuk panyungkem parum lintang ring satenga (1/2)

Pawos 35

Panyungkem paruman sane tan rauh ngamiletin parum patut keni dedosan manut pararem.

Pawos 36

Panyungkem sane nenten rauh ri kalaning parum sakewanten sampun ngawentenang sadok utawi atur ring prajuru nenten keni kasisipan.



ကျွန်ုပ်တို့၏အသက်မွေးဝမ်းကျောင်း

AWIG - AWIG

ဟူ၍အသက်မွေးဝမ်းကျောင်း

DESA ADAT TINGAS



ကျေးရွာအုပ်စုအမည်အရပ်ရပ်
DESA MEKAR BHUANA KECAMATAN ABLANSEMAL

ကျေးရွာအုပ်စု
KABUPATEN BADUNG

မိမိတို့အတွက်
WARSA 2013